

Sakspapir

Saksbehandler	Arkiv	ArkivsakID
Marius Flemmen Knudsen	FA-S05	19/1

Saksnr	Utvalg	Type	Dato
037/2019	Kommunestyret	PS	13.06.2019

Krav om vilkårsrevisjon for Modalsvassdraget, Eksingedalsvassdraget, Teigdalsvassdraget og Bergdalsvassdraget med Torfinnsvatnet

Forslag til vedtak:

Kommunestyret godkjenner framlegg til krav om vilkårsrevisjon for Modalsvassdraget, Eksingedalsvassdraget, Teigdalsvassdraget og Bergdalsvassdraget med Torfinnsvatnet. Dokumentet gir eit godt grunnlag for arbeidet med revisjon av konsesjonsvilkåra og tar opp dei tema som er viktige for kommunen.

Modalen kommune ynskjer at temperaturen i Modalsvassdraget skal følgje dei naturlege svingingane i løpet av året. I dag er det kaldt vatn frå botnen av Stølsvatnet som gjer at vatnet i elva er kaldt om sommaren og varmt om vintaren. Ynskjer at det vert gjort tiltak for å utbetre dette.

Saksopplysningar:

Bakgrunn

Kommunestyret vedtok i sak 017/2019 å fremme krav om revisjon av konsesjonsvilkår for Steinslands-/Modalsvassdraget i samband med revisjon av konsesjonsvilkåra i Eksingedalsvassdraget og Teigdalsvassdraget. NVE ville at kommunane samordne krav om revisjon, og Voss kommune har tatt på seg å lede dette arbeidet. Voss kommune har gitt tilbakemelding til NVE på vegne av dei kommunane som har vedtatt å fremme krav om vilkårsrevisjon. Kommunane Voss, Vaksdal, Modalen, Vik og Kvam har alle sagt at dei vil fremme krav. Høyanger kommune ønskjer ikkje å fremme krav. Frist for å sende inn krav om vilkårsrevisjon er 1. juli 2019.

På bakgrunn av dette har kommunane gjennomført ei høyring for å få innspel til arbeidet. Administrasjonen sendte 26. april saka på høyring til Modalen bondelag, Modalen elveeigarlag og Modalen reinslag for å få innspel. Fristen for høyringa vart satt til 20. mai, og etter høyringsfristen hadde kommunen fått eit innspel.

Vurdering

Voss kommune har teke ansvaret med å samordne krava frå dei ulike kommunane. Dei har nytta Rådgivende Biologer som konsulent i arbeidet med krava. Det felles dokumentet med krav om revisjon har ein generell del om prosessen og dei ulike vassdraga, men også ein meir spesifikk del knytt til dei ulike kommunane og vassdraga. Det har vore allmenne interesser som skulla ha fokus i ein revisjon. Som leveforholda til laks og sjøaure, villrein og evt. andre truga arter/ bestandar. I tillegg har t.d. tilhøva for friluftsliv og reiseliv kunne vore aktuelle tema.

Modalen elveeigarlag kom med innspel i høyringsrunden. Dei tek opp fleire tema knytt til vassmiljø i Modalselva, i hovudsak knytt til laks og sjøaure. Deira innspel er god utgreidd og gir eit godt grunnlag som er viktig å ta med seg vidare inn i arbeidet med revisjon av konsesjonsvilkåra. Administrasjonen har difor stilt seg bak desse krava, med bakgrunn i at kommunen er opptatt av at arbeidet med re-etablering av laks og betring av levevilkår i vassdraget skal lukkast. Administrasjonen sendte over innspel frå elveeigarlaget for samordning 27. mai.

Etter at kommunen sendte over krava til vilkårsrevisjonen har desse blitt samordna med dei andre kommunane som planlagd. Voss kommune har sendt eit utkast til krav om vilkårsrevisjon på vegne av kommunane (vedlagt saka). Administrasjonen har gått igjennom dette og meiner at dokumentet er eit godt grunnlag for å starte arbeidet med revisjon av konsesjonsvilkåra. Ikkje alle krav/moment i dokumentet er relevante for Modalen kommune. Dette skuldast at dei er knytt til andre vassdrag i dei andre kommunane. Dokumentet må ha ein generell del om arbeidet, konsesjonane og dei tema som er overordna eller går over kommunegrensene som t.d. villrein. Nordfjella og Fjellheimen villreinnemd har komme med innspel om villrein.

Fristen for å sende inn krav til revisjon av konsesjonsvilkår er 1. juli. Deretter skal NVE ta endeleg stilling om det vert vilkårsrevisjon og kva tema som skal vurderast i ein revisjon. Dersom det vert vedtatt revisjon av konsesjonsvilkåra startar ein prosess med utgreiingar av dei ulike tema, uttale frå regulant og andre interessentar og fastsetting av nye vilkår.

Konklusjon

Arbeidet med krav om revisjon av konsesjonsvilkåra er godt i gang, og kommunane har no eit godt grunnlagsdokument. Administrasjonen meiner at det utarbeidde dokumentet er godt og tek opp dei momenta som kommunen vil fremma. Dokumentet skal godkjennast av kommunestyret før det innsending til NVE. Då framlegget er felles for alle kommunane, skal det difor godkjennast av alle kommunestyra.

Kommunestyret - 037/2019

KS - behandling:

Ordførar: Spørsmål om å sikre naturlege svingningar i vatntemperatur i elva gjennom året. Korleis unngå unaturlege svingningar. Kommunestyret utformer tilleggstekst i vedtaket.

Sigmund Vikane: Ynskjer ei løypemelding om status for Modalselva. Frank Stian Steinsland: 2019 er det første året ein kan forvente å sjå evt. innsig av fisk, jfr. heimesida til Modalen elveigarlag si heimeside. Adm. v/ Tone S. Skuggevik: forslag om å få repr. frå Fylkesmannen til å orientere nærare til hausten.

Drøfting om vedlikehald av veg langs Modalselva skal bli en del av dei nye konsesjonsvilkåra. Uvisse

om det er korrekt framgangsmåte i ljøs av at det er grunneigarane som eig vegen - vegen er ikkje ein del av konsesjonsavtalen.

Framlegg om å stryke stryke punkt om friluftsliv/veg Hellandsdalen vart vedteke mot 3 stemmer: Tom Kristian Thorsen, Roger Fure og Kjetil Eikefet.

Framlegg om tilleggspunkt til vedtak ang temperaturregulering i Modalsvassdraget vart vedteke samrøystes.

KS - vedtak:

Kommunestyret godkjenner framlegg til krav om vilkårsrevisjon for Modalsvassdraget, Eksingedalsvassdraget, Teigdalsvassdraget og Bergdalsvassdraget med Torfinnsvatnet med dei endringane som vart gjort i kommunestyret 13. juni 2019.. Dokumentet gir eit godt grunnlag for arbeidet med revisjon av konsesjonsvilkåra og tar opp dei tema som er viktige for kommunen.

Modalen kommune ynskjer at temperaturen i Modalsvassdraget skal følgje dei naturlege svingingane i løpet av året. I dag er det kaldt vatn frå botnen av Stølsvatnet som gjer at vatnet i elva er kaldt om sommaren og varmt om vintaren. Ynskjer at det vert gjort tiltak for å utbetre dette.

Vedlegg:

Oversending og oppsummering av høyring i Modalen kommune - Krav om revisjon av konsesjonsvilkår

Høring Revisjon Modalsvassdraget

Felles kravdokument 05.06.2019